



Broj: 11-05-38-sl./18
Sarajevo, 21.05.2018. godine

SKUPŠTINA KANTONA SARAJEVO

PREDMET: Odgovor na zastupničko pitanje, br: 01-05-20193/18 od 08.05.2018. godine, dostavlja se

PITANJE: Zastupnik u Skupštini Kantona Sarajevo Mersiha Mehmedagić, na 42. Radnoj sjednici Skupštine Kantona Sarajevo, održanoj dana 07.05.2018. godine, u okviru tačke Dnevnog reda „Poslanička pitanja, inicijative i odgovori“, postavila je sljedeće zastupničko pitanje:

„Molim Ministarstvo za obrazovanje, nauku i mlade Kantona Sarajevo da mi odgovori na koji način će se realizovati uvođenje obavezne prakse u srednjim školama i na visokoškolskim ustanovama u Kantonu Sarajevo? Da li će se time povećati opterećenost učenika, odnosno studenata? Hoće li povećanje udjela prakse rezultirati smanjenjem fonda sati nastave odnosno ECTS bodova kod određenih predmeta? Hoće li reduciranje nastavnog sadržaja biti rezultat analize efekata dosadašnjih reformi obrazovnog sistema na svim nivoima kako ne bi bio ugrožen kvalitet nastave? Da li će zbog eventualnog smanjenja fonda sati nastave pojedini predmetni profesori ostati bez pune norme“?

ODGOVOR: Zakonom o visokom obrazovanju („Službene novine Kantona Sarajevo“ broj: 33/17) propisano je trajanje svakog ciklusa visokog obrazovanja, kao i sa koliko ECTS bodova se vrednuje studijska godina odnosno semestar u okviru studijske godine. U tom smislu, član 48. Zakona propisuje da se visoko obrazovanje organizuje kroz:

- prvi ciklus studija koji traje tri ili četiri studijske godine i vrednuje se sa 180 odnosno 240 ECTS bodova,
- drugi ciklus studija koji traje jednu ili dvije studijske godine, a vrednuje se sa 60 odnosno 120 ECTS bodova, i to tako da u zbiru s prvim ciklusom studija nosi 300 ECTS bodova,
- integrisani studij, traje pet ili šest godina studija, a vrednuje se sa 300 odnosno 360 ECTS bodova,
- treći ciklus studija koji vodi do naučnog zvanja doktora ili ekvivalenta, traje tri studijske godine godine, a vrednuje se sa 180 ECTS bodova.

Također, istim članom Zakona propisano je da jedan semestar studija nosi 30 ECTS bodova.

Nadalje, u članu 57. Zakona propisano je da se studijska godina organizira u dva semestra: zimski i ljetni i da nastava traje 15 sedmica kontinuiranih aktivnosti te da kalendar organizacije i realizacije nastavnih programa za studijsku godinu utvrđuje i objavljuje senat visokoškolske ustanove, najkasnije 60 dana prije početka izvođenja nastave, a posebne specifičnosti organizacionih jedinica mogu se urediti internim aktima organizacionih jedinica koji se obavezno objavljuju na njihovoj na internet stranici.

Također, Zakonom je u istom članu propisano da je visokoškolska ustanova obavezna kroz realizaciju nastavnog procesa, pripremiti studente za poslove koje će studenti moći obavljati na osnovu dodijeljene diplome i na kojima će primjenjivati znanja, vještine i kompetencije stečene tokom studija.



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1



Visokoškolska ustanova je obavezna osigurati da se u okviru prvog ciklusa studija odnosno integrisanog studija nastavni proces realizuje kao **praktična nastava i to u obimu od najmanje 30 ECTS kredita, a što će se preciznije urediti općim aktom visokoškolske ustanove na koji prethodnu saglasnost daje Ministarstvo.**


Nadalje, Zakonom je izričito propisano da je visokoškolska ustanova/organizaciona jedinica obavezna tokom studija osigurati da se u nastavni proces uključi odgovarajuće **praktično osposobljavanje studenata**, kao što je: rad u laboratoriji, industrijska praksa, praktikum, rad na terenu, izrada završnih radova kroz saradnju sa privrednim i širim društvenim okruženjem te drugi oblici praktičnog osposobljavanja kojim se razvijaju znanja, vještine i kompetencije studenata.

U cilju implementacije zakonskih obaveza propisano je također da su Služba za zapošljavanje Kantona Sarajevo, Privredna komora Kantona Sarajevo i Udruženje poslodavaca Kantona Sarajevo obavezni saradivati sa visokoškolskim ustanovama radi pribavljanja informacija i osiguranja mogućnosti **za realizaciju praktične nastave** kod pravnih subjekata u javnom i privatnom sektoru te da je radi izvršenja takve obaveza visokoškolska ustanova obavezna zaključiti sporazum o saradnji sa Službom za zapošljavanje Kantona Sarajevo, Privrednom komorom Kantona Sarajevo i Udruženjem poslodavaca Kantona Sarajevo, a može zaključiti sporazum i sa drugim pravnim subjektima na području Bosne i Hercegovine.

Nadalje, kada se radi o mjestu realizacije praktičnog rada i stručne prakse Zakon u članu 59. propisuje da se praktični rad i stručna praksa mogu organizirati i realizirati kao sastavni dio nastave u prostorijama visokoškolske ustanove/organizacione jedinice ili na mjestu njihove realizacije odnosno u nastavnoj bazi visokoškolske ustanove/organizacione jedinice što se preciznije uređuje statutom.

Shodno naprijed navedenom, proizilazi da je bodovno vrednovanje na nivou studijske godine odnosno semestra precizno definisano Zakonom o visokom obrazovanju te da visokoškolska ustanova može, isključivo u tako definisanim zakonskim okvirima, vršiti modifikacije, odnosno korekcije u Nastavnom planu i programu koje podrazumijevaju i uvođenje praktične nastave u nastavni proces.

S poštovanjem,



Dostaviti:

1. Naslovu,
2. Stručna služba Vlade Kantona Sarajevo
3. a/a



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

